


Bosna i Hercegovina
Federacija Bosne i Hercegovine
ZENIČKO-DOBOJSKI KANTON
KANTONALNI SUD U ZENICI
Broj:004-0-SuDp-26-000006
Zenica, 30.01.2026. godine



IZVJEŠTAJ O RADU KANTONALNOG SUDA U ZENICI ZA 2025. GODINU

S A D R Ź A J

I UVODNE NAPOMENE	2
II PROTOK PREDMETA, KVANTITET RADA, KVALITET RADA, REALIZACIJA PLANA RJEŠAVANJA PREDMETA ZA 2024. GODINU, TRAJANJE PREDMETA, OPTIMALNI I PREDVIDIVI ROKOVI, IZRADA SUDSKIH ODLUKA I SUDSKE NAGODBE	3
1. Protok predmeta	3
2. Kvantitet rada.....	4
2.1. Kvantitet rada po nosiocima pravosudne funkcije	5
3. Kvalitet rada.....	6
3.1. Kvalitet rada po nosiocima pravosudne funkcije	7
4. Realizacija Plana rješavanja predmeta za 2025. godinu	8
5. Trajanje predmeta	11
6. Optimalni i predvidivi rokovi	12
7. Sudska nagodba	12
III RAD KRIVIČNOG ODJELJENJA	13
1. Potvrđivanje optužnica K-Kps.....	13
2. Prvostepeni krivični referat K-K.....	13
3. Predmeti ratnih zločina	14
4. Predmeti korupcije i organizovanog kriminala.....	15
5. Drugostepeni krivični referat K-Kž	16
6. Drugostepeni prekršajni referat Pr-Pžp.....	17
IV GRAĐANSKO ODJELJENJE.....	17
1. Drugostepeni građanski referat	18
2. Drugostepeni privredni referat	18
3. Priznanje stranih sudskih odluka	18
V ODJELJENJE ZA UPRAVNE SPOROVE.....	18
VI SUDSKA UPRAVA.....	19
1. Primjena Smjernica za prevenciju seksualnog i rodno zasnovanog uznemiravanja u pravosudnim institucijama u BiH.....	25
2. Informacija o aktivnostima, poduzetim u cilju implementacije Strategije za unapređenje rodne ravnopravnosti u pravosuđu BiH, i postignuti rezultati	26
VII ZAKLJUČNE NAPOMENE.....	28

I UVODNE NAPOMENE

Kantonalni sud u Zenici je najviša instanca sudske vlasti u Zeničko-dobojskom kantonu. Organizacija, nadležnost, finansiranje, pravosudna uprava i druga pitanja od značaja za organizaciju i funkcionisanje sudova na teritoriji Federacije Bosne i Hercegovine uređene su Zakonom o sudovima u Federaciji Bosne i Hercegovine ("Službene novine Federacije Bosne i Hercegovine" broj: 38/05, 22/06, 63/10, 72/10, 7/13, 52/14 i 85/21).

Odredbom člana 28. ovog Zakona utvrđena je stvarna nadležnost kantonalnih sudova propisivanjem prvostepene i drugostepene nadležnosti, dok je odredbom člana 63. Zakona propisano da sudovi podnose godišnju informaciju o svom radu nadležnom ministarstvu pravde i Visokom sudskom i tužilačkom vijeću Bosne i Hercegovine do 31. marta tekuće godine.

Pod jurisdikcijom Kantonalnog suda u Zenici su: Općinski sud u Zenici, Općinski sud u Visokom sa Odjeljenjem u Olovu, Općinski sud u Zavidovićima sa Odjeljenjem u Maglaju, Općinski sud u Kaknju, Općinski sud u Žepču i Općinski sud u Tešnju.

Kantonalni sud u Zenici je u 2025. godini poslove i zadatke vezane za ostvarenje sudijske funkcije obavljao kroz svoje 3 (tri) organizacione jedinice: građansko, krivično i odjeljenje za upravne sporove. Broj sudija koji je u 2025. godini rješavao predmete građanskog odjeljenja je 11, dok je broj sudija koji je u 2024. godini rješavao predmete krivičnog i upravnog odjeljenja 5 (pet) .

Pružanje psihološke, tehničke i drugih vidova podrške svjedocima prije, za vrijeme i nakon svjedočenja u krivičnim postupcima koji su se vodili pred Kantonalnim sudom u Zenici je vršeno putem Odjela za podršku svjedocima.

Ostali poslovi i zadaci obavljani su kroz odjeljenje sudske uprave (odsjek za administrativno-tehničke poslove – sudska pisarnica, odsjek za računovodstvo i odsjek za pomoćno-tehničke poslove).

Prema Odluci Visokog sudskog i tužilačkog vijeća Bosne i Hercegovine od 16.12.2009. godine za Kantonalni sud u Zenici je utvrđen broj od osamnaest redovnih sudija uključujući i predsjednika suda i šest dodatnih sudija. Zeničko-dobojski kanton od polovine 2010. godine obezbjeđuje novčana sredstva za svih osamnaest redovnih sudija i dvoje dodatnih sudija.

Na rješavanju predmeta radilo je dominantno petnaest redovnih sudija sa predsjednicom suda i jedan dodatni sudija. Deset sudija ovog suda je tokom 2025. godine rješavalo i predmete Kantonalnog suda u Sarajevu.

Nepopunjenost suda sa dvoje redovnih sudija je uzrokovana prestankom mandata sudija zbog imenovanja na funkciju sudije Vrhovnog suda Federacije Bosne i Hercegovine i odlaska u starosnu penziju.

U 2025. godini sudija Nedžad Baković je odsustvovao s posla u periodu od 15.01.2025. do 18.01.2025. godine, radi učešća u programu obuke „Sudski forum: Razvijajući pejzaž elektronskih dokaza“ u organizaciji CEELI Instituta s Ministarstvom pravde SAD-a (ICIHIP). Sudski forum je održan u Pragu, Češka Republika.

U Kantonalnom sudu u Zenici u 2025. godini je radilo 9 državnih službenika i 30 namještenika.

II PROTOK PREDMETA, KVANTITET RADA, KVALITET RADA, REALIZACIJA PLANA RJEŠAVANJA PREDMETA ZA 2024. GODINU, TRAJANJE PREDMETA, OPTIMALNI I PREDVIDIVI ROKOVI, IZRADA SUDSKIH ODLUKA I SUDSKE NAGODBE

1. Protok predmeta

Na kraju 2024. godine u Kantonalnom sudu u Zenici broj neriješenih predmeta je iznosio 366. U toku 2025. godine Kantonalni sud u Zenici je zaprimio u rad 3645 predmeta (29 predmeta više nego u 2024. godini), tako da je u 2025. godini u radu bilo ukupno 4011 predmeta.

Iako je u rad na nivou suda zaprimljeno više predmeta nego u 2024. godini, smanjenje broja primljenih predmeta u 2025. godini u odnosu na 2024. godinu je zabilježeno na parničnom referatu (u 2024. godini priliv ovih predmeta je iznosio 1085, dok je u 2025. godini priliv ovih predmeta iznosio 1015 ili za 70 predmeta manje), na zemljišno-knjižnom referatu (u 2024. godini priliv ovih predmeta je iznosio 213, dok je u 2025. godini priliv ovih predmeta iznosio 120 ili za 93 predmeta manje), na izvršnom referatu (u 2024. godini priliv ovih predmeta je iznosio 358, dok je u 2025. godini iznosio 231 ili za 127 predmeta manje).

Povećanje broja primljenih predmeta u 2025. godini u odnosu na 2024. godinu je zabilježeno na krivičnom referatu (u 2024. godini priliv ovih predmeta je iznosio 826, dok je u 2025. godini iznosio 890 ili za 64 predmeta više, na prekršajnom referatu (u 2024. godini priliv ovih predmeta iznosio je 304 dok je u 2025. godini iznosio 347 ili za 43 predmeta više), na upravnom referatu (u 2024. godini priliv ovih predmeta iznosio je 470, dok je u 2025. godini iznosio 606 ili za 136 predmeta više).

U 2025. godini na svim referatima je riješeno 3596 predmeta. Procenat svih riješenih predmeta u 2025. godini u odnosu na priliv u 2025. godini iznosi 98,66 %.

U pogledu krivičnih predmeta taj procenat iznosi 104,04 %, vanparničnih 95,15 %, prekršajnih 102,02 %, parničnih 94,38 %, izvršnih 100,87 %, privrednih 101,14 %, zemljišno-knjižnih 93,33 % i upravnih 96,86 %.

Na dan 31.12.2025. godine, broj neriješenih predmeta u Kantonalnom sudu u Zenici na svim referatima iznosi 415. U odnosu na 2024. godinu, broj neriješenih predmeta je veći za 49 predmeta.

Od 415 neriješenih predmeta, na predmete građanskog odjeljenja otpada 174 predmeta (parničnih 115, izvršnih 19, zemljišno-knjižnih 11, privrednih 14 i vanparničnih 15).

Na predmete krivično-prekršajnog odjeljenja otpada 125 predmeta (K-K 13 predmeta, K-Kž-Kžk-Kmž 72 predmeta, K-Kbs 4 predmeta, K-Kps 5 predmeta, K-Kvl 2 predmeta, K-Kv 14 predmeta, K-Mpom 9 predmeta i Pr-Pžp 6 predmeta.).

Na predmete odjeljenja za upravne sporove otpada 116 predmeta (115 predmeta predstavljaju U-U predmete 1 predmet U-Uz).

Iako Kantonalni sud u Zenici u 2025. godini poslove sudijske funkcije nije obavljao u punom sastavu, a 10 sudija ovog suda je u izvještajnom periodu rješavalo i predmete Kantonalnog suda u Sarajevu, broj neriješenih predmeta na kraju 2025. godine u odnosu na 2024. godinu je veći za samo 49 predmeta. Da je to tako proizilazi iz Tabelarnog pregleda - Protok predmeta po vrstama i referatima za 2024. godinu i Tabelarnog pregleda - Protok predmeta po vrstama i referatima za 2025. godinu, a koji pregledi su u prilogu ovog izvještaja.

2. Kvantitet rada

Ostvarena kolektivna norma suda za 2025. godinu iznosi 97,52 %, dok ostvarena kolektivna norma za 2025. godinu u situaciji uračunavanja riješenih predmeta Kantonalnog suda u Sarajevu od strane sudija ovog suda iznosi 114,04%.

U pogledu sudija koji su u izvještajnom periodu obavljali funkciju predsjednice suda i predsjednika odjeljenja (Snježana Čolaković, Nina Makivić, Nermin Tešnjak i Hilmo Ahmetović), ostvarene norme prema broju završenih predmeta su preračunate na osnovu određenja iz člana 14. stav 2. tačka e) i člana 15. stav 2. tačka a) i b) Pravilnika o orijentacionim mjerilima za rad sudija i stručnih saradnika u sudovima u Bosni i Hercegovini (Predsjednica suda je bila u obavezi da ostvari 30% sudijske norme, predsjednica građanskog odjeljenja Nina Makivić 70% sudijske norme, a predsjednici krivičnog odjeljenja i odjeljenja za upravne sporove, sudije Nermin Tešnjak i Hilmo Ahmetović su bili u obavezi da ostvare 90% sudijske norme).

Prosječnu godišnju normu veću od 100 % su ostvarile sve sudije ovog suda koje su na dan 31.12.2025. godine obavljale funkciju sudije ovog suda.

Sudijama: Nini Makivić, Nedeljki Mađar-Ramljak, Ljilji Subašić, Mariu Anić, Srećku Kokor, Rami Ljevaković i Saneli Popović su njihove efektivne norme uvećane za 5 %, sudiji Indiri Pašić za 20 %, dok je norma sudiji Ismaru Jukić uvećana za 23,88%. Uvećanje se temelji na odredbi člana 9. stav 1. i 5. Pravilnika o orijentacionim mjerilima za rad sudija i stručnih saradnika u sudovima u Bosni i Hercegovini.


2.1. Kvantitet rada po nosiocima pravosudne funkcije

Po nosiocima pravosudne funkcije prosječna godišnja norma iznosi:

I PREDSEDNICA SUDA	
Snježana Čolaković	103,97 %

II PREDSEDNICI ODJELJENJA				
RB.	Ime i prezime	Norma u Kantonalnom sudu u Zenici	Norma u Kantonalnom sudu u Sarajevu	UKUPNO
1.	Nermin Tešnjak	130,06%		130,06%
2.	Nina Makivić	104,49%	6,60%	111,09%
3.	Hilmo Ahmetović	102,99%		102,99%


III SUDIJE				
RB.	Ime i prezime	Norma u Kantonalnom sudu u Zenici	Norma u Kantonalnom sudu u Sarajevu	UKUPNO
4.	Sanela Popović	99,49%	7,58%	107,07%
5.	Indira Pašić	109,11%	11,62%	120,73%
6.	Ljilja Subašić	88,12%	17,68%	105,80%
7.	Mario Anić	110,31%		110,31%
8.	Nedeljka Mađar-Ramljak	98,66%	12,12%	110,78%
9.	Jasmina Begović-Devović	90,49%	18,39%	108,88%
10.	Nedžad Baković	129%		129,00%
11.	Srećko Kokor	88,07%	13,13%	101,20%
12.	Ramo Ljevaković	93,88%	12,12%	106,00%
13.	Amela Bajramović-Softić	114,15%		114,15%
14.	Enes Maličbegović	122,45%		122,45%
15.	Ismar Jukić	36,52%	97,64%	134,16%



Grafički prikaz kvantiteta odluka po sudijama

3. Kvalitet rada


Ukupan broj donesenih odluka u 2025. godini na koje se mogao izjaviti pravni lijek je 1666. Ukupan broj ožalbenih odluka je 211. Broj potvrđenih odluka je 155, preinačenih 25, djelimično ukinutih 10 i ukinutih 21.



Grafički prikaz kvaliteta odluka Kantonalnog suda u Zenici

Kvalitet sudskih odluka za sve predmete na nivou suda u 2025. godini iznosi 90,91 %, dok je u 2024. godini kvalitet sudskih odluka iznosio 88,83%.

Za drugostepene građanske predmete (GŽ) kvalitet sudskih odluka iznosi 92,44 %, za drugostepene privredne predmete (PŽ) 94,97 %, za drugostepene predmete radnih sporova (Rsž) 90,86 %, za prvostepene krivične predmete (K) kvalitet iznosi 61,64 %, za Kv predmete 88,56 %, za predmete upravnih sporova i ostale odluke kvalitet iznosi 100,00 %.




Grafički prikaz kvaliteta odluka po referatima

3.1. Kvalitet rada po nosiocima pravosudne funkcije

Kvalitet sudskih odluka od 100 % su ostvarile sudije: Snježana Čolaković, Srećko Kokor, Nina Makivić, Nermin Tešnjak, Sanela Popović i Hilmo Ahmetović.

Kvalitet sudskih odluka u odnosu na broj odluka protiv kojih je dozvoljen pravni lijek sudije Jasmine Begović-Devović iznosi 98,35 %, sudije Nedeljke Mađar-Ramljak 99,64 %, sudije Rame Ljevaković 98,90 %, sudije Indire Pašić 97,06 %, sudije Nedžada Baković 95,16%, sudije Ljilje Subašić 98,75 %, sudije Maria Anić 97,28 %, sudije Ismara Jukić 97,46%, sudije Amele Bajramović-Softić 92,50 % i sudije Enesa Maličbegović 85,19 %.



Grafički prikaz kvaliteta odluka po sudijama

U 2025. godini zaprimljeno je 47 apelacionih odluka Ustavnog suda BiH. Od ovog broja, 33 su odluke kojim je apelacija odbačena kao očigledno neosnovana. U 9 odluka apelacija je odbijena kao neosnovana, dok je u jednoj apelacionoj odluci, apelacija usvojena i odluka ovog suda ukinuta.

Tokom 2025. godine u sud nije zaprimljena niti jedna odluka Ustavnog suda BiH kojom bi se ovom sudu naložilo da okonča predmet bez odlaganja zbog kršenja prava na donošenje odluke u razumnom roku ili da je određena naknada nematerijalne štete zbog kršenja prava na donošenje odluke u razumnom roku od strane ovog suda.

Važno je istaći da Kantonalni sud u Zenici apsolutno poštuje rokove Ustavnog suda BiH u predmetima u kojima je podnesena apelacija, kako iz aspekta dostavljanja odgovora na apelaciju, tako i postupanja u postupku izvršenja odluke Ustavnog suda BiH.

4. Realizacija Plana rješavanja predmeta za 2025. godinu

Kantonalni sud u Zenici je dana 03.01.2025. godine, pod brojem 004-0-SuDp-25-000002 donio Plan rješavanja predmeta za 2025. godinu.

Prema 4 kvartalna plana za 2025. godinu za predmete izvršnog, krivičnog, parničnog, prekršajnog, privrednog, upravnog, vanparničnog i zemljišno-knjižnog referata i Plana rješavanja prvostepenih predmeta za 2025. godinu, utvrđena je obaveza rješavanja 869 predmeta.

Na dan 31.12.2025. godine realizacija plana iznosi 100 %.


Potpuna realizacija plana je rezultat izuzetnog zalaganja sudija koji su rješavali predmete iz plana, blagovremenog sačinjavanja planova, kontinuiranih analiza realizacije planova na sjednicama stručnog kolegija, sjednicama građanskog, krivičnog i odjeljenja za upravne sporove, kao i blagovremenih aktualizacija mjera koje su doprinosile realizaciji plana.

Slijede tabelarni pregledi broja neriješenih predmeta na početku izvještajnog perioda po godinama inicijalnog akta, broja riješenih predmeta u toku izvještajnog perioda po godinama inicijalnog akta, broja neriješenih predmeta na kraju izvještajnog perioda po godinama inicijalnog akta za svakog sudiju.

	Broj neriješenih predmeta na početku izvještajnog perioda po godinama inicijalnog akta									
	2024		2023		2022		<2021		UKUPNO	
	%		%		%		%			
SNJEŽANA ČOLAKOVIĆ	8	2,23							8	
ALBISA KAPIĆ	11	3,07							11	
AMELA BAJRAMOVIĆ	33	9,22							33	
ENES MALIČBEGOVIĆ	41	11,45	1	33,33	1	50	2	66,67	45	
HILMO AHMETOVIĆ	37	10,34					1	33,33	38	
INDIRA PAŠIĆ	11	3,07							11	
ISMAR JUKIĆ					1	50			1	
JASMINA BEGOVIĆ-DEVOVIĆ	8	2,23							8	
LJILJA SUBAŠIĆ	13	3,63							13	
MARIO ANIĆ	9	2,51							9	
NEDELJKA MAĐAR-RAMLJAK	4	1,12							4	
NEDŽAD BAKOVIĆ	41	11,45							41	
NERMIN TEŠNJAK	44	12,29	2	66,67					46	
NINA MAKIVIĆ	6	1,68							6	
RAMO LJEVAKOVIĆ	22	6,15							22	
RANKA BAŠKARAD	32	8,94							32	
SANELA POPOVIĆ	31	8,66							31	
	358		3		2		3		366	

Tabelarni prikaz broja neriješenih predmeta na početku izvještajnog perioda po godinama inicijalnog akta

Neriješeni predmeti na početku izvještajnog perioda




Grafički prikaz broja neriješenih predmeta na početku izvještajnog perioda prema starosti inicijalnog akta

Broj riješenih predmeta u toku izvještajnog perioda po godinama inicijalnog akta										
	2025		2024		2023		2022		<2020	
		%		%		%		%		%
SNJEŽANA ČOLAKOVIĆ	315	9,73	8	2,25						
ALBISA KAPIĆ	68	2,10	11	3,10						
AMELA BAJRAMOVIĆ	243	7,50	32	9,01						
ENES MALIČBEGOVIĆ	245	7,57	41	11,55	1	100			1	100
HILMO AHMETOVIĆ	186	5,74	37	10,42						
INDIRA PAŠIĆ	166	5,13	11	3,10						
ISMAR JUKIĆ	1	0,03					1	100		
JASMINA BEGOVIĆ-DEVOVIĆ	160	4,94	8	2,25						
LJILJA SUBAŠIĆ	151	4,66	13	3,66						
MARIO ANIĆ	200	6,18	9	2,54						
NEDELJKA MAĐAR-RAMLJAK	173	5,34	4	1,13						
NEDŽAD BAKOVIĆ	247	7,63	41	11,55						
NERMIN TEŠNJAK	245	7,57	42	11,83						
NINA MAKIVIĆ	130	4,01	6	1,69						
RAMO LJEVAKOVIĆ	218	6,73	22	6,20						
RANKA BAŠKARAD	137	4,23	32	9,01						
SANELA POPOVIĆ	191	5,90	31	8,73						
SREČKO KOKOR	162	5,00	7	1,97						
UKUPNO	3238		355		1		1		1	
										3596

Tabelarni prikaz broja riješenih predmeta u toku izvještajnog perioda po godinama inicijalnog akta

RIJEŠENI PREDMETI U TOKU IZVJEŠTAJNOG PERIODA



Grafički prikaz broja riješenih predmeta u toku izvještajnog perioda prema starosti inicijalnog akta

	Broj neriješenih predmeta na kraju izvještajnog perioda po godinama inicijalnog akta										
	2025		2024		2023		2022		<2020		UKUPNO
		%		%		%		%		%	
SNJEŽANA ČOLAKOVIĆ	7	1,72									7
ALBISA KAPIĆ	0	0,00									0
AMELA BAJRAMOVIĆ	20	4,91	1	33,33							21
ENES MALIČBEGOVIĆ	20	4,91					1	100	1	50	22
HILMO AHMETOVIĆ	56	13,76							1	50	57
INDIRA PAŠIĆ	18	4,42									18
ISMAR JUKIĆ	0	0,00									0
JASMINA BEGOVIĆ- DEVOVIĆ	14	3,44									14
LJILJA SUBAŠIĆ	32	7,86									32
MARIO ANIĆ	21	5,16									21
NEDELJKA MAĐAR- RAMLJAK	20	4,91									20
NEDŽAD BAKOVIĆ	49	12,04									49
NERMIN TEŠNJAK	28	6,88	2	66,67	2	100					32
NINA MAKIVIĆ	19	4,67									19
RAMO LJEVAKOVIĆ	19	4,67									19
RANKA BAŠKARAD	0	0,00									0
SANELA POPOVIĆ	60	14,74									60
SREĆKO KOKOR	24	5,90									24
	407		3		2		1		2		415

Tabelarni prikaz broja neriješenih predmeta na kraju izvještajnog perioda prema starosti inicijalnog akta



Grafički prikaz broja neriješenih predmeta na kraju izvještajnog perioda prema starosti inicijalnog akta

5. Trajanje predmeta

Podaci iz tabelarnih pregleda ukazuju da je ovaj sud strogo vodio računa da se predmeti rješavaju po starosti inicijalnog akta. Najveći broj neriješenih predmeta na kraju izvještajnog perioda su predmeti u kojima inicijalni akt potiče iz 2024. godine (358 ili 97,82%).

Iz CMS izvještaja čiji naziv je Statistika trajanja predmeta po referatima, vrstama predmeta i načinu završetka, proizlazi da je prosječno trajanje riješenih 3596 predmeta u 2025. godini iznosilo 34,53 dana (u 2024. godini prosječno trajanje riješenih 3650 predmeta iznosilo 41,43 dana).

Prosječno trajanje riješenih Su-Ap predmeta je iznosilo 2,42 dana, prekršajnih 6,16 dana, vanparničnih 10,79 dana, izvršnih 18,70 dana, zemljišno-knjižnih 19,04 dana, parničnih 26,59 dana, krivičnih 55,58 dana, privrednih 28,57 dana i upravnih 56,87 dana.

6. Optimalni i predvidivi rokovi

Od 2012. godine u sudovima Bosne i Hercegovine se sprovodi Pravilnik o vremenskim okvirima za postupanje u predmetima („Službeni glasnik BiH“ broj 5/13, 101/13, 6/14, 10/15, 56/15). Pravilnikom su definisani optimalni i predvidivi rokovi.

Kantonalni sud u Zenici je dana 03.01.2025. godine, donio Odluku o utvrđivanju predvidivih rokova za rješavanje pojedinih vrsta predmeta iz nadležnosti Kantonalnog suda u Zenici za 2025. godinu za period od 01.01.2025. do 31.12.2025. godine.

Broj neriješenih predmeta obuhvaćenih Odlukom o predvidivim rokovima na dan 01.01.2025. godine, iznosio je 310.

U periodu od 01.01.2025. do 31.12.2025. godine, primljeno je 2779 predmeta obuhvaćenih Odlukom o predvidivim rokovima, tako da je ukupan broj u radu ovih predmeta iznosio 3089. Od ovog broja riješeno je 2732 predmet, od čega je 2646 predmeta ili 96,85 % riješeno u optimalnom roku, a u predvidivom roku je riješeno 2725 predmeta ili 99,74 %, dok je broj riješenih predmeta sa prekoračenjem predvidivog roka iznosio 7 ili (0,25 %). Prosječno trajanje riješenih predmeta je 40 dana.

Broj neriješenih predmeta koji su obuhvaćeni Odlukom o predvidivim rokovima na dan 31.12.2025. godine je 357. Od ovog broja u 33 predmeta je došlo do prekoračenja optimalnog roka, dok je predvidivi rok prekoračen u 8 predmeta. Predmeti u kojim su značajnije probijeni optimalni i predvidivi rok predstavljaju predmete u kojim ne postoje procesne pretpostavke za suđenje.

Podaci koje smo prikazali ukazuju na to da je ovaj sud ostvario dobre rezultate rada u 2025. godini, kako iz aspekta ostvarene godišnje norme, tako i iz aspekta ostvarenog kvaliteta sudskih odluka i poštivanja prava na suđenje u razumnom roku.

7. Sudska nagodba

Tokom 2025. godine, u Kantonalnom sudu u Zenici je provedena aktivnost čiji naziv je „Sedmice sudske nagodbe“, tokom kojih je sud postupao po prethodno identificiranim predmetima, koji su po vrsti i predmetu spora prikladni za mirno rješavanje spora. Za vrijeme trajanja aktivnosti, stranke su pozivane da pristupe sudu s prijedlogom za zaključenje sudske nagodbe, što svakako mogu učiniti i u svakom trenutku do pravosnažnosti presude.

III RAD KRIVIČNOG ODJELJENJA

U okviru krivičnog odjeljenja vrše se poslovi koji se odnose na poslove prvostepenog i drugostepenog suđenja u krivičnim predmetima, zatim ujedinjenje kazne i brisanje osuda, postupci vezani za molbe za pružanje međunarodne pravne pomoći i izručenje okrivljenih i osuđenih lica, postupci za pomilovanje osuđenih lica, poslovi propisani zakonom koji se obavljaju u okviru referata za prethodni postupak i prethodno saslušanje. U okviru ovog odjeljenja vrše se i poslovi koji se odnose na drugostepeni prekršajni referat.

Sud je u toku 2025. godine odredio pritvor protiv 18 lica osumnjičenih da su počinili krivično djelo u 9 (devet) predmeta. Svi postavljeni branioci po službenoj dužnosti u pritvorskim predmetima su iz reda advokata.

Tokom 2025. godine u krivičnim predmetima nije bilo obustave postupka zbog nastupanja apsolutne zastare.

1. Potvrđivanje optužnica K-Kps

U toku 2025. godine primljeno je 16 K-Kps predmeta. Ukupno u radu ovih predmeta je bilo 23, riješeno je 18 predmeta, tako da je na kraju 2024. godine ostalo neriješeno 5 (pet) K-Kps predmeta.

U ovim predmetima su se sudije pridržavale rokova utvrđenih Zakonom o krivičnom postupku Federacije Bosne i Hercegovine („Službene novine Federacije Bosne i Hercegovine“, broj: 35/03, 37/03, 56/03, 78/04, 28/05, 55/06, 27/07, 53/07, 9/09, 12/10, 8/13, 59/14 i 74/20), što znači da je u svim predmetima u kojima su postojale procesne pretpostavke za rad odlučeno o optužnici u roku od 8 (osam) dana i u istim je u zakonskom roku održano ročište za izjašnjenje o krivnji. U svim predmetima u kojima je potvrđena optužnica i nakon što je otvorena K faza, suđenje je zakazano u zakonom određenom roku od 60 dana. Četiri neriješena Kps (4) predmeta su proglašeni nerješivim budući da potjernica prema optuženim nije realizovana.

U okviru krivičnog odjeljenja završeno je 106 K-Kpp predmeta (pojedine istražne radnje), 127 K-Kv predmeta koji predmeti se odnose na rješavanje po žalbama na rješenje o određivanju pritvora, odlučivanje po zahtjevima za prekid postupka izdržavanja kazne i drugo.

2. Prvostepeni krivični referat K-K

Prema članu 28. stav 1. tačka a) Zakona o sudovima u Federaciji Bosne i Hercegovine prvostepena nadležnost kantonalnih sudova se ogleda u suđenju za krivična djela za koja je zakonom propisana kazna zatvora više od 10 godina ili dugotrajni zatvor, ako zakonom nije određena nadležnost drugog suda.

Na prvostepenom krivičnom referatu u 2025. godini bilo je ukupno u radu 40 predmeta, od kojih je riješeno 27 predmeta.

Na kraju godine broj neriješenih prvostepenih krivičnih predmeta iznosi 13. Od ovog broja predmeta 12 predstavljaju predmete opšteg kriminala, dok 1 (jedan) predmet predstavlja predmete ratnih zločina.

Od 13 neriješenih predmeta, u 4 (četiri) predmeta ne postoje procesne pretpostavke za suđenje (tri predmeta opšti kriminal, jedan predmet ratni zločin), jer su optuženi u bjekstvu i za istim su raspisane potjernice koje nisu realizovane.

Od 27 završenih prvostepenih krivičnih predmeta, 18 predmeta je završeno osuđujućom presudom, te je u tim predmetima izrečena ukupna kazna zatvora protiv 37 lica u trajanju od 149 godina. Tri (3) prvostepena krivična predmeta su završena donošenjem oslobađajuće presude, dva (2) predmeta su završena presudom koja je jednim dijelom osuđujuća, a drugim dijelom oslobađajuća.

U 2025. godini u dva (2) predmeta je donesena presuda na osnovu zaključenog sporazuma o priznanju krivnje i dva (2) na osnovu priznanja krivnje, što čini procentualno 14,81 % u odnosu na broj završenih.

U strukturi završenih prvostepenih krivičnih predmeta, tri (3) predmeta ili 11,11 % se odnosi na krivično djelo razbojništva iz člana 289. stav 2 KZ FBiH, četiri (4) predmeta se odnosi na krivično djelo ubistva iz člana 166. stav 1. i 2. KZ FBiH ili 14,81%, tri (3) ili 11,11% se odnosi na krivično djelo zloupotreba položaja ili ovlašćenja iz člana 383. stav 1. i 3. KZ FBiH, dva (2) predmeta ili 7,4 % se odnosi na krivično djelo nasilje u porodici iz člana 222. stav 4. i 5. KZ FBiH, jedan (1) ili 3,7 % se odnosi na krivična djela:

- pronevjera u službi iz člana 384. stav 3. KZFBiH,
- spolni odnošaj s djetetom iz člana 207. stav 5. KZ FBiH,
- posjedovanje i omogućavanje uživanja opojnih droga iz člana 293. stav 3. KZ FBiH,
- otmica iz člana 180. stav 2. KZ FBiH,
- silovanje iz člana 203. stav 6. KZ FBiH,
- rodoskrvnuće iz člana 213. stav 2. KZ FBiH,
- izvanbračna zajednica s mlađim maloljetnikom iz člana 216. stav 1. KZ FBiH,
- sprečavanje i neizvršavanje mjera za zaštitu maloljetnika iz člana 224. stav 1. KZ FBiH,
- pranje novca iz člana 272. stav 3. KZ FBiH,
- teška krađa iz člana 287. stav 1a. KZ FBiH,
- Razbojnička krađa iz člana 288. stav 2. KZ FBiH,
- teška krivična djela protiv opće sigurnosti ljudi i imovine iz člana 328. stav 2. KZ FBiH,
- neprijavljivanje krivičnog djela ili učinitelja iz člana 345. stav 1. KZ FBiH,

3. Predmeti ratnih zločina

U 2025. godini u radu je bio jedan predmet koji se odnosio na potvrđivanje optužnice. Radi se o predmetu broj: 04 0 K 016343 25 Kps. Dana 13.03.2025. godine Kantonalno tužilaštvo Zeničko-dobojskog kantona je podignulo optužnicu protiv Grbavac Saše pod brojem: T03 0 KTRZ 0062011 25 zbog postojanja osnovane sumnje da je osumnjičeni počinio krivično djelo ratni zločin protiv ratnih zarobljenika iz člana

144. stav 1. u vezi sa članom 22. preuzetog KZ SFRJ. Optužnica je zaprimljena u ovom sudu dana 18.03.2025. godine. Postupajući sudija za prethodni postupak je dana 24.03.2025. godine donio rješenje broj 04 0 K 016343 25 Kps kojim se odbija potvrđivanje optužnice. Na navedeno rješenje Kantonalno tužilaštvo Zeničko-dobojskog kantona je podnijelo žalbu 26.03.2025. godine. Rješenjem ovog suda broj: 04 0 K 016343 25 Kv od 27.03.2025. godine odbijena je kao neosnovana žalba kantonalnog tužitelja izjavljena protiv rješenja sudije za prethodni postupak broj: 04 0 K 016343 25 Kps od 24.03.2025. godine. Predmet je pravosnažno okončan 01.04.2025. godine.

Sa 31.12.2025. godine ostaje neriješen predmet protiv optuženog Crepulja Ive. U ovom predmetu ne postoje procesne pretpostavke za suđenje jer je optuženi nedostupan sudu, a raspisana potjernica nije realizovana. U ovom predmetu su preduzete radnje radi ustupanja krivičnog gonjenja optuženog, zbog krivičnog djela ratni zločin protiv civilnog stanovništva iz člana 142. stav 1. preuzetog KZ SFRJ, Županijskom sudu u Karlovcu ili drugom nadležnom sudu na čijem području optuženi ima boravište u Republici Hrvatskoj.

Rad na predmetima ratnih zločina predstavlja apsolutni prioritet, tako da se na svim predmetima tokom 2025. godine kontinuirano i intenzivno radilo, planiran je dovoljan broj sudija za rad na predmetima ratnih zločina i kontinuirano je praćeno rješavanje predmeta ratnih zločina, a vršeno je i blagovremeno dostavljanje izvještaja o rješavanju predmeta ratnih zločina.

4. Predmeti korupcije i organizovanog kriminala

Broj neriješenih koruptivnih predmeta prvostepenog K-K i drugostepenog K-Kž krivičnog referata na početku perioda je četiri (4). U 2025. godini u sud je zaprimljeno 19 predmeta, riješeno je 19 predmeta, dok je broj neriješenih predmeta na kraju perioda iznosio četiri (4) predmeta.

Kada je u pitanju protok predmeta organizovanog kriminala na početku izvještajnog perioda prenesen je jedan (1) predmet iz prethodne godine koji je i riješen, u 2025. godini je primljen jedan (1) predmet, i ostao je neriješen jedan (1) predmet.

Kada su u pitanju predmeti korupcije visokog nivoa nije bilo neriješenih predmeta na početku perioda, nije bilo priliva novih predmeta, tako da u izvještajnom periodu u sudu nije bilo u radu predmeta korupcije visokog nivoa.

Imajući u vidu činjenicu da je borba protiv korupcije jedan od najvećih izazova sa kojim se suočava Bosna i Hercegovina u postupku integracija u Evropsku uniju, Kantonalni sud u Zenici će predmetima korupcije i organizovanog kriminala davati apsolutni prioritet u radu.

Ovaj sud je tokom 2025. godine izrekao dvije (2) osuđujuće presude, dvije (2) dijelom osuđujuće i dijelom oslobađajuće presude i jednu (1) oslobađajuću presudu u predmetima korupcije.

Krivični postupak u predmetu broj: 04 0 K 016446 25 K vodio se protiv 1 (jednog) optuženog lica zbog krivičnog djela zloupotreba položaja ili ovlaštenja iz

člana 383. stav 3. u vezi sa stavom 1. KZ FBiH. U navedenom predmetu optuženi je osuđen na kaznu zatvora u trajanju od 1 (jedne) godine.

Krivični postupak u predmetu broj: 04 0 K 015137 25 K vodio se protiv 1 (jednog) optuženog lica zbog krivičnog djela pronevjera u službi iz člana 384. stav 3. u vezi sa stavom 1. KZ FBiH. U navedenom predmetu optužena je osuđena na kaznu zatvora u trajanju od 3 (tri) godine.

Krivični postupak u predmetu broj: 04 0 K 015541 25 K vodio se protiv 1 (jednog) optuženog lica zbog produženog krivičnog djela zloupotreba položaja ili ovlaštenja iz člana 383. stav 3. KZ FBiH, a u vezi sa članom 55. KZ FBiH, u sticaju sa krivičnim djelom pranje novca iz člana 272. stav 3. KZ FBiH, sve u vezi sa članom 54. KZ FBiH. U navedenom predmetu optuženoj je za krivično djelo zloupotreba položaja ili ovlaštenja iz člana 383. stav 2. KZ FBiH utvrđena kazna zatvora u trajanju od 1 (jedne) godine, a koja se neće izvršiti ako optužena u roku od 3 (tri) godine od dana pravosnažnosti presude ne počini novo krivično djelo, a oslobođena od optužbe da je počinila produženo krivično djelo zloupotreba položaja ili ovlaštenja iz člana 383. stav 3. KZ FBiH, a u vezi sa članom 55. KZ FBiH, u sticaju sa krivičnim djelom pranje novca iz člana 272. stav 3. KZ FBiH, sve u vezi sa članom 54. KZ FBiH.

Krivični postupak u predmetu broj: 04 0 K 012115 22 K vodio se protiv 11 (jedanaest) optuženih lica zbog krivičnog djela udruživanje radi činjenja krivičnih djela iz člana 340. stav 1. KZ FBiH, u vezi sa članom 383. stav 3. u vezi sa stavom 1. KZ FBiH. U navedenom predmetu donesena je presuda koja je dijelom osuđujuća a dijelom oslobođajuća.

Krivični postupak u predmetu broj: 04 0 K 012198 25 K 2 vodio se protiv 9 (devet) optuženih lica zbog krivičnog djela zloupotrebe položaja ili ovlaštenja iz člana 383. stav 3. u vezi sa stavom 1. KZ FBiH. U navedenom predmetu optuženi su oslobođeni od optužbe da su počinili navedeno krivično djelo.

Predmeti korupcije i organizovanog kriminala imaju prioritet u radu ovog suda i pod stalnom su pažnjom predsjednice suda na način da se svakodnevno prati rad na ovim predmetima i insistira na što efikasnijem postupanju.

5. Drugostepeni krivični referat K-Kž

U nadležnosti ovog referata je odlučivanje o žalbama izjavljenim protiv odluka općinskih sudova u krivičnom postupku.

Na kraju 2024. godine broj neriješenih predmeta ovog referata je iznosio 105. U 2025. godini priliv je iznosio 435 predmeta. Riješeno je 470 predmeta, a ostalo neriješeno 70 predmeta.

U strukturi primljenih drugostepenih krivičnih predmeta najveći broj tj. 60 predmeta se odnosi na krivično djelo nasilje u porodici iz člana 222. stav 1., 2., 3. i 4. KZ FBiH, 46 predmeta se odnosi na krivično djelo neovlaštena proizvodnja i stavljanje u promet opojnih droga iz člana 238. stav 1. KZ FBiH, 41 predmet se odnosi na krivično djelo teška krađa iz člana 287. KZ FBiH, 23 predmeta se odnosi na posjedovanje i omogućavanje uživanja opojnih droga iz člana 239. stav 1. i 3. KZ FBiH, 38 predmeta

se odnosi na krivična djela nasilničko ponašanje iz člana 362. stav 1. i stav 2. KZ FBiH, 21 predmet se odnosi na krivično djelo krađa iz člana 286. stav 1. i 2. KZ FBiH, 18 predmeta se odnosi na posjedovanje i omogućavanje uživanja opojnih droga iz člana 239. stav 3. KZ FBiH, 13 predmeta se odnosi na teška krivična djela protiv sigurnosti javnog prometa iz člana 336. stav 1. i 2. i 4. KZ FBiH, 12 predmeta se odnosi na krivično djelo ugrožavanje sigurnosti iz člana 183. stav 1. i 2. KZ FBiH, 11 predmeta se odnosi na krivično djelo oštećenje tuđe stvari iz člana 293. stav 1. KZ FBiH, 10 predmeta se odnosi na krivično djelo teška tjelesna ozljeda iz člana 172. stav 1. KZ FBiH, 9 predmeta se odnosi na krivično djelo zloupotreba položaja ili ovlaštenja iz člana 383. stav 1. stav 2. KZ FBiH, 8 predmeta se odnosi na krivično djelo izazivanje opće opasnosti iz člana 323. stav 1. 3. i 4. KZ FBiH, 7 predmeta se odnosi na krivično djelo nedozvoljeno držanje oružja ili eksplozivnih materija iz člana 371. stav 1. i stav 2. KZ FBiH, 6 predmeta se odnosi na krivično djelo bludne radnje iz člana 208. stav 1. i 2. KZ FBiH. 5 predmeta se odnosi na krivično prijevara iz člana 294. stav 1. i 2. KZ FBiH. 4 predmeta se odnosi na krivično silovanje iz člana 203. stav 1. KZ FBiH. 4 predmeta se odnosi na krivično oduzimanje djeteta ili maloljetnika iz člana 217. stav 1. KZ FBiH. 4 predmeta se odnosi na krivično djelo prijevara u privrednom poslovanju iz člana 251. stav 1., 2. i 3. KZ FBiH. 4 predmeta se odnosi na krivično laka tjelesna ozljeda iz člana 173. stav 1. i 2. KZ FBiH. 3 predmeta se odnosi na krivično spolni odnošaj s djetetom iz člana 207. stav 1. KZ FBiH. 3 predmeta se odnosi na krivično neukazivanje pomoći osobi ozlijeđenoj u prometnoj nezgodi iz člana 337. stav 1. i 2. KZ FBiH. 3 predmeta se odnosi na krivično napad na službenu osobu u vršenju poslova sigurnosti iz člana 359. stav 1. i 3. KZ FBiH.

U okviru drugostepenog krivičnog referata, 11 riješenih predmeta su predmeti iz oblasti korupcije.

U 2025. godini u drugostepenim krivičnim predmetima nije bilo obustave postupka zbog nastupanja zastare.

6. Drugostepeni prekršajni referat Pr-Pžp

U okviru drugostepenog prekršajnog referata odlučuje se o žalbama izjavljenim protiv odluka općinskih sudova donesenih u prekršajnom postupku.

U 2025. godini na ovom referatu u radu je bilo 360 predmeta, riješeno je 354, tako da broj neriješenih predmeta iznosi 6 (šest). Radi se o predmetima koji su u ovaj sud zaprimljeni po žalbi krajem decembra mjeseca.

U toku 2025. godine u 4 (četiri) drugostepena prekršajna predmeta je doneseno rješenje o obustavi prekršajnog postupka zbog nastupanja zastare. Ovdje je važno istaći da je u svim ovim predmetima zastara nastupila znatno prije nego što su predmeti dostavljeni Kantonalnom sudu u Zenici, radi donošenja odluke po žalbi. I u ovim predmetima sud je u potpunosti izvršio obavezu pravilnog evidentiranja ovih predmeta u CMS-u i u izvještavanja VSTV BiH.

IV GRAĐANSKO ODJELJENJE

U okviru građanskog odjeljenja odlučuje se, između ostalog, o žalbama protiv odluka općinskih sudova iz građansko-pravne i privredne oblasti i o drugim redovnim

i vanrednim pravnim lijekovima, a rješavaju se i zahtjevi za priznanje stranih sudskih odluka.

1. Drugostepeni građanski referat

Na drugostepenom građanskom referatu (izvršni, parnični, vanparnični i zemljišno-knjižni) na kraju 2024. godine ostalo je neriješeno 86 predmeta u koji broj su uvršteni i predmeti radnih sporova.

U 2025. godini broj primljenih predmeta drugostepenog građanskog referata je iznosio 1593, dok je u istom periodu ovih predmeta riješeno 1519. Na dan 31.12.2025. godine broj neriješenih predmeta drugostepenog građanskog referata je iznosio 160. Neriješeni predmeti su u sud zaprimljeni u posljednja tri mjeseca 2025. godine.

Imajući u vidu naprijed navedene podatke, očigledno je da je Kantonalni sud u Zenici prednje referate učinio ažurnim.

U strukturi riješenih predmeta drugostepenog građanskog referata 77 predmeta se odnose na isplatu duga, 139 predmeta se odnose na naknadu štete, na zemljišno-knjižne sporove 102, na brakorazvodne sporove 21, izdržavanje djece 23, utvrđenje i uknjižba 70, na radne sporove 63 predmeta, dok se ostali predmeti odnose na smetanje posjeda, poništenje i utvrđenje ništavosti, uređenje međa, određivanje staranja o djetetu i razne izvršne predmete.

2. Drugostepeni privredni referat

Na predmetima privrednog referata (L-Pž, Mals-Pž, Mals-Pvl, Mals-Pvlž, Ps-Pvl, Ps-Pž, i St-Pž) na kraju 2024. godine je ostalo neriješeno 15 predmeta. U 2025. godini primljeno je 88 predmeta. Riješeno je 89 predmeta. Broj neriješenih predmeta na kraju 2025. godine iznosi 14. Neriješeni predmeti su u ovaj sud zaprimljeni dominantno u decembru 2025. godine.

3. Priznanje stranih sudskih odluka

Na referatu priznanje stranih sudskih odluka u 2025. godini ukupno u radu je bilo 144 predmeta. Riješeno je 140 predmeta.

V ODJELJENJE ZA UPRAVNE SPOROVE

Prema Zakonu o upravnim sporovima („Službene novine Federacije Bosne i Hercegovine“ broj: 9/05), kantonalni sudovi u upravnim sporovima odlučuju o zakonitosti akata kojim organi uprave i službe za upravu u općini i gradu, odnosno privredna i druga društva, ustanove i druga pravna lica koja imaju javna ovlaštenja, rješavaju o pravima i obavezama pojedinaca i pravnih lica u pojedinačnim upravnim stvarima i to prema sjedištu prvostepenog organa, odnosno njegove organizacione jedinice.

Na referatu upravnih sporova preneseno je 97 predmeta iz 2024. godine. U toku 2025. godine primljeno je 606 predmeta. Završeno je 587. Ostalo je neriješeno 116 predmeta.

Na ovom referatu je i u 2025. godini zadržana zavidna ažurnost.

U strukturi riješenih predmeta upravnih sporova bilo je 147 predmeta koji se odnose na penzijsko i invalidsko osiguranje, 16 predmeta se odnosi na boračko-invalidsku zaštitu, a 104 predmeta se odnose na oblasti poreza, 17 predmeta se odnosi na ćutanje administracije. Ostali predmeti se odnose na oblast građenja, komunalne i druge naknade, sporove vezane za primjenu Zakona o izbjeglicama i raseljenim licima i drugo.

Na ovom referatu predmeti se u prosjeku završavaju unutar tri mjeseca od prijema tužbe u sud, s tim što su prioritet u radu imali predmeti koji se odnose na primjenu imovinskih zakona i boračko-invalidske zaštite, kao i predmeti zaštite sloboda i prava zajamčenih Ustavom, koji su i po Zakonu o upravnim sporovima propisani kao predmeti hitne prirode u okviru referata upravnih sporova.

VI SUDSKA UPRAVA

Poslovi kojim se obezbjeđuju uslovi za pravilan rad i poslovanje suda obavljaju se u okviru sudske uprave.

Uprava suda je blagovremeno i tačno vodila sve potrebne evidencije, pa su tako blagovremeno vođene i evidencije za provedbu Instrumenata za praćenje primjene smjernica za sprečavanje sukoba interesa u pravosuđu.

U cilju praćenja ažurnosti suda, Odjeljenje sudske uprave je kontinuirano pratilo ažurnost rada suda na svim referatima na način što se vrši statističko utvrđivanje stanja riješenih i neriješenih predmeta sa kojima je zadužen svaki sudija. Kontinuirano su analizirani izvještaji o realizaciji planova rješavanja predmeta, izvještaji o poštivanju predvidivih i optimalnih rokova, izvještaji o izradi sudskih odluka u zakonom utvrđenim rokovima, kao i različiti izvještaji o pravilnom evidentiranju podataka u CMS-u. Te analize omogućavaju da uprava suda i rukovodioci sudskih odjeljenja na kraju svakog mjeseca znaju koliko je predmeta ostalo neriješeno, na kojim referatima, koliko predmeta je primljeno u rad tokom mjeseca, koliko predmeta je riješeno po svakom sudiji na referatima, na koji način su predmeti riješeni i kvalitet sudskih odluka.

U 2025. godini održana je 1 (jedna) sjednica stručnog kolegija suda, 4 (četiri) opće sjednice, 3 sastanka kolegija predsjednice suda, 11 sastanaka kolegija sudske uprave, 11 sjednica krivičnog odjeljenja, 11 sjednica građanskog i 13 sjednica upravnog odjeljenja.

Na sjednicama stručnog kolegija i sjednicama građanskog, krivičnog i upravnog odjeljenja razmatrana su aktuelna pitanja od interesa za rad suda, ažurnost suda i sudija. Razmatrani su nacrti zakonskih akata na način da su data mišljenja i sugestije na te nacрте.

Dana 29.05.2025. godine i 02.12.2025. i 12.12.2025. godine s ciljem razmjene iskustava i unapređenja efikasnosti obavljanja poslova sudske uprave, poštivanja zakonskih rokova i rada po starim predmetima i aktivnostima koje se poduzimaju na poboljšanju transparentnosti rada u sudovima održan je sastanak predsjednice

Kantonalnog suda u Zenici sa predsjednicima općinskih sudova sa područja Kantonalnog suda u Zenici. Na sastanku održanom 02.12.2025. godine prisustvovao je i ministar Ministarstva za pravosuđe i upravu Zeničko-dobojskog kantona.

U 2025. godini zaprimljeno je 1849 Su predmeta (Su-Spi, Su-Fin i Su-Dp) i svi su riješeni. Ovi predmeti nisu sadržani u priloženim tabelarnim pregledima.

Kantonalni sud u Zenici u 2025. godini primio je 97 zahtjeva za slobodan pristup informacijama u kojima su tražene različite vrste informacija.

Postupajući po zahtjevima Kantonalni sud u Zenici je u 11 slučajeva donio rješenje o djelimičnoj dozvoli pristupa informacijama iz razloga što je zahtjev za dostavu potpunih podataka utvrđen kao izuzetak od saopštavanja jer sadrži lične interese koji se odnose na privatnost lica u postupku, slijedom čega su dostavljene odluke djelimično anonimizirane. U 1 (jednom) slučaju ovaj sud je zahtjev prosljedio drugom javnom organu na nadležno postupanje. Povodom 49 zahtjeva je odgovoreno dopisom. U 35 slučajeva za podnosiocce su donesena rješenja o dozvoli pristupa informacijama uz dostavljanje tražene dokumentacije ili vršenjem neposrednog uvida u istu. Svi zahtjevi su blagovremeno riješeni, osim jednog zahtjeva koji je u sud zaprimljen 31.12.2025. godine, a kojim je tražena dostava podataka za duži vremenski period uz obavezu anonimizacije, te dostavljanja tražene dokumentacije. Navedeni zahtjev je riješen i podnosiocu dostavljen dana 06.01.2026. godine.

Jedan od strateških ciljeva ovog suda definisan Godišnjim programom rada Kantonalnog suda u Zenici za 2025. godinu (period 2025.-2027. godina) je unapređenje transparentnosti rada suda. Transparentnost pravosuđa je ključna za uspostavljanje mehanizma kontrole i jačanje povjerenja građana u pravosuđe. Sve pravosudne institucije imaju odgovornost prema javnosti, u čijoj službi obavljaju svoju djelatnost, da redovno pružaju informacije o svom radu, aktivnostima, rezultatima i propustima. S tim u vezi, Kantonalni sud u Zenici je tokom 2025. godine ispunio sve projicirane trogodišnje ciljeve, a koji se odnose na unapređenje proaktivne komunikacije s javnošću, unapređenje reaktivne komunikacije s javnošću i unapređenje praktične obuke za studente prava i diplomirane pravnike.

Da je transparentnost u radu suda unaprijeđena ukazuje činjenica da je tokom mjeseca aprila 2025. godine Transparency International u BiH u saradnji sa Balkanskom istraživačkom mrežnom BIRN izradio i predstavio Indeks transparentnosti pravosuđa za 2024. godinu, te rangiralo Kantonalni sud u Zenici na prvo mjesto po transparentnosti za 2024. godinu. Indeks transparentnosti pravosuđa rezultat je istraživanja na osnovu odgovora pravosudnih institucija, te podataka koje objavljuju na svojim web stranicama. Sudovi i tužilaštva rangirani su ocjenama za transparentnost na osnovu posebno razvijene metodologije. S tim u vezi, Kantonalni sud u Zenici ostvario je 87 bodova po indeksu transparentnosti, te je od 74 suda u Bosni i Hercegovini rangiran na prvom mjestu po transparentnosti za 2024. godinu.

Kada je u pitanju proaktivna komunikacija s javnošću, ovakav pristup se primarno odnosi na davanje informacija o radu suda, bez da su takve informacije zatražene. Važno je naglasiti da ovaj sud objavljuje pravosnažne prvostepene krivične presude, izuzev onih koje su rezultat postupka u kojem je bila isključena javnost, nakon

što iste prođu kroz filter anonimizacije. Pored kompletne presude, koja je u fokusu interesovanja profesionalne javnosti, istovremeno se objavljuje i vijest o donošenju iste sa najvažnijim detaljima, što je interesantno općoj javnosti i medijima. U 2021. godini, Kantonalni sud u Zenici je uveo i objavu svih određenih pritvora, drugostepenih krivičnih presuda korupcije i presuda građanskog i upravnog odjeljenja značajnih za sudsku praksu, što se nastavilo i 2025. godine.

Kada su u pitanju drugostepene krivične presude korupcije, u 2025. godini Kantonalni sud u Zenici je izrekao 9 drugostepenih presuda iz ove oblasti, a na web stranici je objavljeno 7, što u procentu čini 77,77 %. Godišnjim programom rada suda predviđeno je povećanje objava na web stranici suda za 05,00 % u odnosu na 2024. godinu. Broj objava na web stranici u 2024. godini bio je 181, dok u 2025. godini iznosi 192 objave što iznosi 0,96 % povećanja. Planirano je da sud objavi dvadeset šest (26) statističkih izvještaja o radu, a objavio je 29 raznih izvještaja o radu suda (polugodišnji, devetomjesečni, godišnji, izvještaji o poštivanju optimalnih i predvidivih rokova i drugo). Planirana je objava 26 presuda građanskog i upravnog odjeljenja značajnih za sudsku praksu i objavljeno je 26 presuda.

Što se tiče unapređenja reaktivne komunikacije s javnošću, važno je naglasiti da je planirano da se 2025. godina završi sa 100% riješenih SuSpi predmeta, a završeno je sa 98,97%, odnosno ukupno 96 predmeta, jer je jedan zahtjev u sud zaprimljen 31.12.2025. godine i istim je tražena dostava podataka za duži vremenski period uz obavezu anonimizacije, te dostavljanja tražene dokumentacije. Navedeni zahtjev je riješen i podnosiocu dostavljen dana 06.01.2026. godine. Vrijeme potrebno za rješavanje SuSpi predmeta iznosilo je 3 dana, a kako je i predviđeno programom. Ovdje je važno napomenuti da zakonski rok za rješavanje ovih predmeta iznosi 15 dana.

Kantonalni sud u Zenici je potpisao Okvirni sporazum o razumijevanju za unapređenje praktične nastave i obuke za studente prava i diplomirane pravnike i redovno dostavljao mjesečni raspored suđenja Pravnom fakultetu Univerziteta u Zenici i Islamskom pedagoškom fakultetu, slijedom čega studenti redovno prate suđenja pred ovim sudom. Realizirano je 10 posjeta (ukupno 52 studenta).

U okviru implementacije Okvirnog sporazuma o razumijevanju za unapređenje praktične nastave i obuke za studente prava i diplomirane pravnike, u saradnji sa Pravnim fakultetom u Zenici, u toku 2025. godine nastavilo se sa provođenjem aktivnosti na realizaciji projekta Stručne studentske prakse iz Građanskog procesnog prava. Početkom 2025. godine usvojen je Okvirni plan implementacije projekta za akademsku 2025. godinu po kojem je planirana implementacija stručne studentske prakse u Kantonalnom sudu u Zenici iz oblasti Građanskog procesnog prava u junu 2025. godine. Tako je troje sudija mentora za oblast Građanskog procesnog prava tokom mjeseca juna 2025. godine realizovalo 100 sati studentske stručne prakse u radu sa 20 studenata IV godine Pravnog fakulteta, pojedinačno su studenti ostvarili po pet sati studentske prakse.

Slijedom iznesenog, Kantonalni sud u Zenici, provođenjem planiranih aktivnosti, ispunio je sve projicirane ciljeve u 2025. godini, čime je ispunjen i strateški cilj-unapređenje transparentnosti rada suda.

U 2025. godini uspješno je realizovan program stručnog usavršavanja sudija, državnih službenika i ostalih zaposlenika preko Centra za edukaciju sudija i tužilaca u Federaciji Bosne i Hercegovine, Visokog sudskog i tužilačkog vijeća Bosne i Hercegovine, Agencije za državnu službu u Federaciji Bosne i Hercegovine i drugih institucija koje se bave stručnim osposobljavanjem sudija, državnih službenika i ostalih zaposlenika. Sve sudije su obavezu edukacije ispunile provodeći potrebne dane na edukaciji koja je obavljena uglavnom online.

Državni službenici i namještenici su prisustvovali seminarima koji su organizovani online od strane Agencije za državnu službu u Federaciji Bosne i Hercegovine.

Interno stručno usavršavanje realizovalo se popunjavanjem sudske biblioteke stručnom literaturom koja je kupljena iz budžetskih sredstava namijenjenih za ove potrebe.

Iz ovog suda troje sudija su na seminarima u 2025. godini, kao verifikovani edukatori, bili angažovani od strane Centra za edukaciju sudija i tužilaca u Federaciji Bosne i Hercegovine u cilju edukacije sudija, stručnih saradnika i pripravnika.

U nadležnosti sudske uprave je i referat izvršenja krivičnih sankcija (Iksž) koji je potpuno ažuran i efikasan, jer se predmeti ove vrste završavaju u zakonskom roku od 3 dana od prijema u sud, kako je to propisano Zakonom o izvršenju krivičnih sankcija u Federaciji Bosne i Hercegovine ("Službene novine Federacije Bosne i Hercegovine" broj: 44/98, 42/99, 36/03, 12/09, 42/11 i 39/24). Na dan 31.12.2025. godine ovih predmeta nije bilo neriješenih. U 2025. godini broj riješenih Iksž predmeta je iznosio 41.

U 2025. godini niti u jednom Iksž predmetu nije nastupila zastarjelost izvršenja kaznene mjere.

Temeljem odredbe člana 160. Zakona o krivičnom postupku Federacije Bosne i Hercegovine, u 2025. godini je 12 puta izvršen obilazak pritvorenika u Odjeljenju pritvora Kazneno popravnog zavoda zatvorenog tipa Zenica.

Odjeljenje sudske uprave postupa i po predstavkama građana i drugih pravnih subjekata. U 2025. godini sud je primio 48 predstavki koje su se uglavnom odnosile na urgentno rješavanje predmeta.

Podnosioci predstavki su blagovremeno obavještavani o vremenu kada će predmet po redoslijedu rješavanja biti završen.

U Kantonalnom sudu u Zenici, svi predmeti koji se tiču suđenja se vode elektronski što omogućava efikasno praćenje rada na predmetima. Sud je u potpunosti tehnički opremljen za rad u CMS sistemu, a koji sistem se u cjelosti primjenjuje u ovom sudu.

Poslovi sudske arhive obavljani su u skladu sa Zakonom o arhivskoj građi Federacije Bosne i Hercegovine, Zakonom o arhivskoj građi Zeničko-dobojskog

kantona i odredbama članova od 130. do 140. Pravilnika o unutrašnjem sudskom poslovanju („Službeni glasnik BiH“ broj: 66/12 i 40/14).

Plan javnih nabavki Kantonalnog suda u Zenici za 2025. godinu je realizovan u cjelosti u skladu sa planiranim procijenjenim vrijednostima za nabavku roba, usluga i radova i odobrenim budžetskim sredstvima.

Najznačajnija investicija za Kantonalni sud u Zenici predviđena Planom javne nabavke za 2025. godinu je bilo provođenje otvorenog postupka javne nabavke mobilnih arhivskih regala u arhivskim prostorijama suda u vrijednosti 199.982,25 KM, čime je uspješno okončan projekat modernizacije arhivskog prostora. Realizacija ovog projekta imala je za cilj povećanje kapaciteta skladišnog prostora unutar postojećeg prostora što je omogućilo bolju organizaciju i brži pristup arhivskoj građi, te osiguralo adekvatne uslove za pohranu arhivske građe u skladu sa Zakonom o arhivskoj građi i podzakonskim aktima, čime se osigurala sigurnost, zaštita i dugovječnost službenih spisa, posebno arhivske građe koja predstavlja historijsku i pravnu vrijednost.

U cilju kontinuiranog unapređenja uslova rada i zaštite arhivske građe izvršena je i sanacija i modernizacija podova u sudskoj arhivi postavljanjem specijalne epoksidne podne obloge u vrijednosti 6.884,50 KM, koja pruža brojne prednosti poput visokog higijenskog standarda u prostoru za čuvanje arhive, lako održavanje, te otpornost na vlagu i prašinu čime se smanjuje rizik od propadanja arhivske građe.

Napominjemo da je u sklopu ovog projekta prethodno tokom 2024. godine u arhivskim prostorijama suda izvršena instalacija opreme za ventilaciju arhivskog prostora, obzirom da je riječ o podrumskim prostorijama, koji sistem osigurava kontrolu vlage i temperature, čime se sprječava kondenzacija i smanjuje rizik od razvoja plijesni i gljivica koji predstavljaju najveću prijetnju papirnoj dokumentaciji, te instalacija savremenog sveobuhvatnog protupožarnog sistema dojava i automatskog gašenja požara u skladu sa najmodernijim standardima iz ove oblasti. Svi radovi su izvedeni pod stručnim nadzorom. Na ovaj način izvršena je kompletna modernizacija arhivskog prostora.

Provedeni su postupci nabavke službenih novina, stručne literature za popunjavanje sudske biblioteke, pretplate na stručne časopise i portale, te nabavke usluge uvezivanja službenih novina za 2025. godinu.

Izvršene su nabavke usluge registracije službenog vozila sa tehničkim pregledom, osiguranjem od autoodgovornosti, kasko osiguranje, tekuće nabavke goriva i osiguranje imovine.

U vezi sa donošenjem rješenja o isplati novčane pomoći za slučaj teške bolesti državnih službenika i namještenika ili članova njihove uže porodice objavljen je javni poziv za nabavku usluga kvalifikacije medicinske dokumentacije. Javni pozivi su objavljeni i za hotelski smještaj sudija i zaposlenika, kao i kotizacija za seminare i obavezne edukacije, te javni poziv za poštanske usluge.

Realizovana je nabavka usluge hemijskog čišćenje klima uređaja, kao i njihovo servisiranje, ispitivanje PP aparata i hidrantske mreže, godišnji servis službenog vozila kao i materijala za održavanje istog. U tekućem održavanju zgrade izvršena je nabavka

radova krećenje kancelarija, zamjena LED panela, postavljanje okapnica na Aneksu zgrade suda, servis sistema dojava i gašenja požara, održavanje sistema za evidenciju radnog vremena. Sveukupno na popravke i održavanje zgrade, opreme i službenog vozila u postupcima javnih nabavki utrošeno je cca 20.000,00 KM.

Sukcesivno se nabavljao štampani materijal, sredstva za čišćenje, te sitan inventar. Izvršena je nabavka kancelarijskog materijala i materijala za čišćenje direktnim sporazumom u ukupnom iznosu od 3.871,58 KM.

U 2025. godini sud se suočio nedostatkom novčanih sredstava na budžetskoj poziciji sa koje se izmiruju troškovi odbrane po službenoj dužnosti. I pored blagovremenih zahtjeva za konsolidacijom ove pozicije, do toga nije došlo. Naime, sudu je na ovoj poziciji bilo na raspolaganju 793.000,00 KM, a troškovi službene odbrane su iznosili 877.157,99 KM. Razlog visokih troškova službene odbrane je izmjena propisa koji regulišu visinu ovih troškova.

Saradnja sa drugim institucijama

U 2025. godini sud je kao i ranijih godina ostvario izuzetno dobru saradnju sa Visokim sudskim i tužilačkim vijećem Bosne i Hercegovine, koje ga prati u njegovom radu i pruža punu podršku radi ostvarivanja nezavisnog, nepristrasnog i profesionalnog pravosuđa.

Od januara 2016. godine u Kantonalnom sudu u Zenici egzistira Odjel za podršku svjedocima.

U toku 2025. godine Odjel za podršku svjedocima je imao 525 intervencija, za ukupno 54 svjedoka, u 15 krivičnih predmeta.

Primarni cilj Odjela za podršku svjedocima je obezbijediti jednak pristup psihološkim intervencijama i učiniti ih dostupnim za sve svjedoke na sudu. Primarni pristup u radu sa svjedocima je psihološka procjena stanja i potreba svakog svjedoka prije suđenja, te individualizirana priprema za svjedočenje, prilagođena različitim potrebama svjedoka, koja uključuje psihološku podršku i psihološko savjetovanje prije, tokom i nakon svjedočenja, u svrhu prevencije retraumatizacije kod svjedoka žrtava/oštećenih, zatim očuvanja mentalnog zdravlja i ostvarivanja kvalitetnijeg svjedočenja. Posebna posvećenost se primjenjuje u psihološkoj pripremi svjedoka (oštećenih) djece i maloljetnika, gdje se nastoje maksimalno uvažiti najbolji interesi djeteta, i postupati u skladu sa njihovim razvojnim karakteristikama i emocionalnim stanjima. Pored toga, u određenim slučajevima svjedocima se pruža informativna podrška i upućivanje prema drugim institucijama radi ostvarivanja socijalne, psihološke, zdravstvene i druge pomoći.

Saradnja sa općinskim sudovima Zeničko-dobojskog kantona je i u toku 2025. godine uspješno ostvarena. Stručna savjetnica-psihologinja Kantonalnog suda u Zenici je pružala psihološku procjenu stanja i potreba, psihološku podršku i pripremu za svjedočenje za maloljetne svjedoke i oštećene, te ugrožene svjedoke/žrtve u krivičnim predmetima koji se procesuiraju pred općinskim sudovima Zeničko-dobojskog kantona.

1. Primjena Smjernica za prevenciju seksualnog i rodno zasnovanog uznemiravanja u pravosudnim institucijama u BiH

U Kantonalnom sudu u Zenici i dalje su dva od ranije imenovana savjetnika za prevenciju seksualnog i rodno zasnovanog uznemiravanja. Vodio se računa da budu jedno ženskog, a drugo muškog spola, imajući u vidu jednaku rodno ravnopravnu zastupljenost, a i da bi se zaposlenicima olakšalo u slučajevima kada bi lakše razgovarali sa osobom istog spola.

Odabir dva savjetnika je izvršen i u skladu sa preporukama, za slučajeve kada bi se uznemiravanje desilo samom savjetniku.

Funkciju savjetnika obavljaju stručna savjetnica psihologinja Aida Beganović i stručni savjetnik Daniel Đukić. Savjetnici su ranije prošli specijaliziranu obuku za savjetnike u organizaciji Centra za edukaciju sudija i tužilaca u Federaciji BiH i Atlantske inicijative.

Stručna savjetnica psihologinja je i u 2025. godini još dodatno bila na obuci pod nazivom „Obuka za savjetnike za prevenciju seksualnog i rodno zasnovanog uznemiravanja u pravosudnim institucijama u BiH”, u organizaciji CEST-a FBiH.

Tokom 2025. godine nije bilo prijava od strane zaposlenika. Niko od zaposlenika se nije obraćao savjetnicima (ni usmeno, ni pismeno), radi razgovora ili prijave nekog od oblika rodnog ili seksualnog uznemiravanja.

U 2025. godini nisu pokretane, niti sprovedene interne procedure za slučajeve seksualnog i rodno zasnovanog uznemiravanja, pa nije bilo potrebe za dostavljanjem posebnih pisanih izvještaja i informacija.

Savjetnici tokom godine postavljaju letke i brošure koji se odnose na prevenciju seksualnog i rodno zasnovanog uznemiravanja, na postolju za promotivne materijale, vodeći računa da bude uvijek odgovarajući broj, kako bi na ovaj način bili vidljivi i dostupni svim zaposlenima u sudu, a s ciljem podizanja svijesti i aktualiziranja ove značajne teme.

Na serveru suda postavljene su i uvijek svima dostupne Smjernice za prevenciju seksualnog i rodno zasnovanog uznemiravanja u pravosudnim institucijama u BiH, na sva tri jezika koja su u službenoj upotrebi, o čemu su obaviješteni zaposlenici u sudu.

Zaposlenicima koji su tokom 2025. godine počeli raditi na Kantonalnom sudu u Zenici, savjetnica za prevenciju seksualnog i rodno zasnovanog uznemiravanja, ih je putem e-maila obavijestila o provođenju prevencije seksualnog i rodno zasnovanog uznemiravanja, sa ciljem sprječavanja neželjenih oblika ponašanja i osiguravanja profesionalnih odnosa i klime uzajamnog poštovanja unutar pravosudne institucije. Informisani su kome se mogu obratiti u slučaju da dožive uznemiravanje na radnom mjestu, tj. ko su trenutno savjetnici, koja je njihova uloga, na koji period se biraju. Zatim na koji način se vrši prijavljivanje u slučaju izloženosti nekom od oblika seksualnog i rodnog uznemiravanja i šta znači pokretanje interne procedure. Dostavljen

im je dokument Smjernice za prevenciju seksualnog i rodno zasnovanog uznemiravanja u pravosudnim institucijama u BiH, sa uputama o njegovom značaju i značenju da predstavlja standard za prepoznavanje seksualnog i rodno zasnovanog uznemiravanja kao protivzakonitog i neželjenog ponašanja na radnom mjestu.

2. Informacija o aktivnostima, poduzetim u cilju implementacije Strategije za unapređenje rodne ravnopravnosti u pravosuđu BiH, i postignuti rezultati

Početkom 2025. godine u januaru izrađen je novi Akcioni plan za unapređenje rodne ravnopravnosti Kantonalnog suda u Zenici. On sadrži ukupno 9 mjera gender mainstreaminga, a urađen je za period od tri godine.

Vodilo se računa da aktivnosti budu relevantno raspoređene prema onome šta četiri strateška cilja iz Strategije za unapređenje rodne ravnopravnosti označavaju. Takođe, pazilo se u načinu određivanja rokova sprovedbe aktivnosti, da oni budu realni, a aktivnosti ostvarive.

U akcionom planu aktivnosti su raspoređene na ovaj način da

- I. Strateški cilj sadrži – 3 aktivnosti,
- II. Strateški cilj – 2 aktivnosti,
- III. Strateški cilj – 2 aktivnosti,
- IV. Strateški cilj – 2 aktivnosti.

Odabir aktivnosti u ovom Akcionom planu je određen dobrim dijelom i na osnovu rezultata interne ankete koja je sprovedena u okviru prethodnog Akcionog plana. Uvršteno je ono što je imalo pozitivne efekte kod zaposlenika, kao i ono što su i sami predlagali.

Na taj način nastoji se povećati zainteresovanost zaposlenika za temu rodna ravnopravnost, u skladu dakle sa njihovim potrebama i mišljenjem.

U toku 2025. godine sprovedeno je ukupno 7 aktivnosti iz Akcionog plana.

Nakon zvaničnog usvajanja novog Akcionog plana, održan je sastanak sa članovima radne grupe u svrhu planiranja načina realizacije prve aktivnosti, a to je – postaviti na ulaz na sud, anonimnu anketu za stranke koje dolaze u kontakt sa pravosudnom institucijom, radi ispitivanja slučajeva rodne neravnopravnosti, u njihovom procesu ostvarivanja svojih prava.

Članovi radne grupe su izradili adekvatnu anketu koja sadrži 6 pitanja, postavili na policu na ulazu određeni broj anketnih listova, zajedno sa kutijom za ubacivanje popunjenih anketa, te takođe i u pisarnicu suda. Radi prikupljanja većeg broja rezultata, i psiholog će strankama sa kojima dolazi u kontakt, davati anketne listove. Anketa će biti aktivna duži period, dok traje Akcioni plan.

Sljedeća aktivnost se odnosi na redovno praćenje stanja knjige žalbi, koju smo postavili u pisarnici suda, za stranke i zaposlenike, radi anonimnog obraćanja u slučajevima da dožive rodno zasnovano uznemiravanje i diskriminaciju. Članovi radne grupe su se dogovorili da predstavnica radne grupe, u skladu sa rokom iz Akcionog

plana, to jest jednom mjesečno izvrši pregled da li je bilo ikakvih žalbi, ili bilo kakvih komentara ili zabilješki.

Zaposlenici su putem e-maila obavješteni o postojanju knjige žalbi i da imaju mogućnost anonimno se izraziti, ukoliko budu izloženi uznemiravanju na osnovu roda ili diskriminaciji.

Održavanje teme rodne ravnopravnosti aktuelnom u svijesti zaposlenika, nastojimo postići mjerom Akcionog plana koja podrazumjeva dostavljanje svim zaposlenicima putem mail-a, aktuelnih i interesantnih članaka, vijesti i video materijala o raznim aspektima iz oblasti rodne ravnopravnosti. Ova aktivnost se provodi svaka 4 mjeseca, i dosada je realizirana 3 puta.

Na web stranici suda, vodeći računa da to bude na naslovnoj i da bude vidljivo napravili smo odjeljak – Rodna ravnopravnost. U okviru toga nalazi se obavijest za građane, stranke kome mogu direktno da se obrate, tj. ko je kontakt osoba ukoliko budu izloženi ili primjete slučajeve narušavanja rodne ravnopravnosti, ili nejednakog postupanja po osnovu roda, rase, vjere ili etničke pripadnosti u ostvarivanju svojih prava.

Ispod toga nalazi se elektronska knjiga žalbi sa afirmativnom uputom za stranke, da u slučajevima da dožive diskriminaciju ili neravno pravo pristup na osnovu njihovog roda, mogu tu da se žale.

Predstavnic radne grupe, jednom mjesečno će da izvrši pregled elektronske knjige žalbi, i na taj način se prati stanje, tj. da li ima žalbi i pritužbi.

Aktivnost čija realizacija je bila krajem 2025. godine, odnosi se na - planirati i predvidjeti budžetom potrebna sredstva za nabavku higijenskih potrepština, prilagođeno potrebama roda, kao i drugih potrepština za kojima se ukaže potreba. Napravljen je plan i procjena radi određivanja kolika sredstva iz budžeta će biti potrebna za realizaciju ove mjere. Izvršena je nabavka dvije vrste higijenskih uložaka za žene, koji su im dostupni kad god im je potrebno.

U saradnji sa Gender centrom FBiH, i njihovim stručnim savjetnikom dr.sci. Zlatanom Hrnčićem u okviru provedbe njihove Strategije za prevenciju i borbu protiv nasilja u porodici (2024.-2027.) realizirali smo in-house edukaciju, predavanje za sve zaposlenike suda.

Tema je bila “Ravnopravnost spolova – nasilje u porodici i nasilje nad ženama kao posljedica neravnopravnih odnosa”.

Na taj način je realizirana aktivnost Akcionog plana koja se odnosi na educiranje zaposlenika i povećanje njihovog znanja o aktuelnim aspektima rodne ravnopravnosti, pri čemu se nastoji da odabir teme bude koristan, a predavači reprezentativni i kvalitetni.

Zaposlenici su imali pozitivne dojmove o predavaču, temi i njegovom izlaganju. Ostvarivali su interakciju i diskusiju tokom predavanja sa njim. Tako da možemo reći da je ova aktivnost uspješno realizirana.

VII ZAKLJUČNE NAPOMENE

Podaci iz izvještaja ukazuju da je ovaj sud i u 2025. godini ostvario dobre rezultate rada. Ovo se posebno odnosi na ostvarene godišnje norme sudija, poštivanja prava na suđenje u razumnom roku, efikasnog rješavanja predmeta i transparentnog rada suda.

Zadaci suda u 2026. godini će biti usmjereni na održavanje ažurnosti svih poslova i zadataka, koja je postignuta u prethodnom periodu, uz daljnje poboljšanje kvaliteta rada, odgovornosti i transparentnosti rada suda i održavanje postignutog nivoa efikasnog izvršavanja svih ostalih poslova i zadataka koji proizlaze iz zakona i drugih pozitivnih propisa. Posebna pažnja će i dalje biti na predmetima ratnih zločina, organizovanog kriminala i korupcije, pa će ovi predmeti imati apsolutni prioritet u radu. Sudska uprava će kontinuirano pratiti i unapređivati radne procese, sa ciljem efikasnog korištenja materijalnih i ljudskih resursa.

Istovremeno, vjerujemo da će nadležni organi vlasti i dalje pružati neophodnu materijalnu potporu kako ne bi bio doveden u pitanje rad suda.

- Prilog:** 1. Protok predmeta po referatima i vrstama predmeta za period od 01.01.2024. do 31.12.2024. godine
2. Protok predmeta po referatima i vrstama predmeta za period od 01.01.2025. do 31.12.2025. godine



Predsjednica suda
Snježana Čolaković

Dostavljeno:

- 1x Visokom sudskom i tužilačkom vijeću BiH uz priloge pod brojem 1 i 2
- 1x Vrhovnom sudu FBiH uz priloge pod brojem 1 i 2
- 1x Federalnom ministarstvu pravde uz priloge pod brojem 1 i 2
- 1x Ministarstvu za pravosuđe i upravu Zeničko-dobojskog kantona uz priloge pod brojem 1 i 2
- 1x a/a